



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: UP-1/21-3-40-227-5/23
Datum: **18.08.2023.**

«Agencija za vodno područje rijeke Save» Sarajevo rješavajući po zahtjevu Investitora „UTD BEST” d.o.o. Travnik za donošenje rješenja o vodnoj dozvoli za ispuštanjem oborinskih, onečišćenih voda u lokalni kanalizacioni sustav sa lokacije objekta benzinske crpke koja se nalazi u naselju Donje Putićevo, općina Travnik, na osnovu člana 109. stav (1) točka 2. Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „UTD BEST” d.o.o. Travnik u naselju Donje Putićevo, općina Travnik, za ispuštanje oborinskih, onečišćenih voda u lokalni kanalizacioni sustav sa lokacije objekta benzinske crpke koja se nalazi na zemljištu označenom kao 1319/7, K.O. Travnik, općina Travnik.
2. Ova vodna dozvola se odnosi isključivo na ispuštanje oborinskih, onečišćenih voda u lokalni kanalizacioni sustav sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Skladištenje nafte i naftnih derivata vršiti u ukopanim dvoplašnim, čeličnim rezervoarima ukupne zapremine 50 m³ (2 x 25).
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u lokalni kanalizacioni sustav.
 - 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.

- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima.
- 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.8. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.10. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.11. Vršiti redovnu kontrolu međuplašnog prostora spremnika, njihovo čišćenje, kao i kontrolu rada.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, investitor odnosno korisnik „UTD BEST“ d.o.o. Travnik za izgrađenu benzinsku crpku u naselju Donje Putićevo, općina Travnik je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od pravosnažnosti ovog rješenja.
 11. Prije isteka važnosti ove dozvole Investitor „UTD BEST“ d.o.o. Travnik, dužan je da zatraži izdavanje nove vodne dozvole.

O b r a z l o ž e n j e

Investitor „UTD BEST“ d.o.o. Travnik podnio je zahtjev za izdavanje vodne dozvole za ispuštanje oborinskih, onečišćenih voda u lokalni kanalizacioni sustav sa lokacije objekta benzinske crpke koja se nalazi u naselju Donje Putićevo, općina Travnik, na zemljištu označenom kao 1319/7, K.O. Travnik, općina Travnik.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Kopija Rješenja o aktualnom izvodu iz sudskog registra broj: 051-0-Reg-23-000303 od 08.05.2023. izdano od općinskog suda u Travniku,
- Kopija Uvjerenja o poreznoj registraciji od 11.07.2011.godine, izdanog od strane Porezne uprave – Kantonalni ured Novi Travnik,
- Ovjerena kopija Uvjerenja o upisu u jedinstveni registar obveznika indirektnih poreza broj: 04/1-UPJP/1-5014/07 od 01.08.2007.godine, izdanog od strane Uprave za indirektno-neizravno oporezivanje Banja Luka,
- Kopija uplatnice administrativne takse,
- Kopija uplatnice po Zaključku o posebnim troškovima,
- Građevinska dozvola za benzinsku crpku br: 04/06-23-4-1845/08 od 13.10.2008. izdana od Odjela za urbanizam, građenje, katastar i imovinsko pravne poslove općine Travnik,
- Glavni projekt odvodnje i tretmana oborinskih voda benzinske crpke izrađen od „ZAGREB INSPEKT“ d.o.o. Mostar iz 3/2018.god. (vraćen investitoru),
- Ugovor sa poduzećem „DELTA PETROL“ d.o.o. Kakanj o čišćenju i održavanju separatora ulja i masti br. 592/17-DS od 30.03.2017.,
- Izvještaj o monitoringu kvaliteta i kvantiteta otpadnih voda benzinske pumpe izrađen od „ZAGREB Inspekt“ d.o.o. Mostar br. 01-2-41-III/23 od 3/2023.
- Opći akt o održavanju, korištenju i osmatranju vodnog objekta u slučaju kvara ili havarije od 14.05.2013.god.,
- Atesti za ugrađene dvoplašne spremnike za naftu i naftne derivate,
- Atest za ugrađeni separator ulja i masti izrađen od „GANIK“ d.o.o. Vitez od 29.03.2011.god.,
- Ugovor o pružanju usluga pražnjenja septičke jame sklopljen s JKP“ BAŠBUNAR“ Travnik od 01.06.2012.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-227-4/23 od 16.08.2023., na kome je konstatirano sljedeće:

Objekat benzinske pumpe sa pratećim sadržajima je izgrađen u naselju Donje Putićevo, općina Travnik, na zemljištu označenom kao 1319/7 K.O. Travnik, općina Travnik. Objekt benzinske crpke se sastoji od prodajnog objekta, uredskog prostora, kafe bara, nadstrešnice sa automatima za istakanje goriva, podzemnih, dvoplašnih spremnika za skladištenje goriva, separatora masti i ulja i manipulativnih površina.

Zauljene oborinske vode sa radnih, prometnih i manipulativnih površina se sistemom uličnih slivnika i kanalizacionih cijevi prikupljaju i odvođe do separatora ulja i masti sa ispustom preko kontrolnog šahta, u lokalni vodotok.

Radne, prometne i manipulativne površine su završno obrađene asfaltom odnosno betonom, sa padovima prema slivnicima.

Fekalne vode se upuštaju u dvokomornu septičku jamu koju čisti i održava JKP“ BAŠBUNAR“ Travnik.

Vodoopskrba je sa gradske vodovodne mreže.

Smještaj goriva se vrši u ukopanim čeličnim dvoplašnim spremnicima ukupnog kapaciteta 50 m³ (2 x 25).

Ugovor o čišćenju i održavanju separatora ulja i masti kao i septičke jame sklopljen je s poduzećem „DELTA PETROL“ d.o.o. Kakanj.

Ispitivanje kvaliteta i kvantiteta ispuštenih voda se mjeri u kontrolnom šahtu od strane „ZAGREB Inspekt“ d.o.o. Mostar i izvještaj br. 01-2-41-III/23 od 3/2023., zadovoljava se uvjete propisane Uredbom o uvjetima ispuštanja otpadnih voda u okoliš i sustav javne kanalizacije (Sl.novine br. 26/20 i 96/20).

Za cijeli kompleks je izrađena projektno tehnička dokumentacija koja obrađuje skupljanje i tretman oborinskih i sanitarno fekalnih voda izrađen od poduzeća „ZAGREB Inspekt“ d.o.o. Mostar.

Objekt se ne nalazi u vodnom dobru.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uvjeti u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva „UTD BEST“ d.o.o. Travnik za izgrađenu benzinsku crpku u naselju Donje Putićevo, općina Travnik, ispunio minimum uvjeta za izdavanje vodne dozvole za promet ispuštanjem oborinskih, onečišćenih voda u lokalni kanalizacioni sustav sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43, Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata



Haris Ališehović, dipl. ing.grad.

Dostaviti:

- „UTD BEST“ d.o.o. Travnik, Donje Putićevo bb, Travnik
- AVP, ISV – Vodna knjiga
- Sektor 50.
- ☉ Sektor 40, arhiva
- Oglasna ploča-AVP Sava